

kontuola

KONTUOLA, Idolaz elkarte, ANTZUOLA. **Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 47 zenbakia. 1999ko azaroaren 19a.


Goizperren eraikin berriak martxan

Olaker, heziketa eta ikerketa zentroa, eta biltegi berria inauguratu

Iazko apirilean egindako batzar orokorrean onartu zuten Goizperko bazkideek biltegi bat eta ikerketa zentro bat eraikitzea. Bi eraikinak gaur bertan inauguratu dituzte. Horrez gain, eta kooperatibaren 40. urteurrena ospatzeko, omenaldia egin diete bazkide fundatzaileei. Guztira 11 lagunek jaso dute plaka oroigarria gaur goizean egin den ekitaldian.

Bi mila eta bederatziehun metro karratuko biltegia inauguratu du gaur Goizper Kooperatibak. Erabat informatizatutako biltegia da. Horrela, kamioiek pabilioi zaharretik sartuko dute lehengaia eta berrian kargatuko dituzte, Goizperko produktuekin. Produktuen irteera azkartzea ekarriko du antolaketa berri honek eta baita lana erraztea ere.

Baina ez da hori izan gaur inauguratu duten eraikin bakarra. Izan ere, 40. urteurrena ospatzeko antolatu dituzten ekitaldien artean, Olaker heziketa eta ikerketa zentroaren inaugurazio ofiziala ere egin dute eta. Iñaki Aranburuk zuzentzen du prestakuntza, ikerketa eta heziketa zentro berria eta jadanik, urte osoa daramate lanean. Goizperrek egiten dituen transmisio eta plastikozko produktuen hobekuntzak ikertzeko helburuarekin ekin diote proiektu honi. Gaur egun 13 lagun ari dira garai batean Ariher izan zenaren eraikin berriztuan. Guztiak ere lizentziatu berriak. "Batuz besteko adina, 30 urte azpitik dago". Lea-Artibai eta Arrasateko Eskola Profesionalarekin hitzartutako akordioei esker, bi eskola horietan aritutako ikasle bi ari dira Olaker



Ikerketa zentroan 13 lagun ari dira lanean.

ren lanean graduatu ondoko proiektua garatzen.

Mekanizatuen sekzioan ere aldaketak egin ditu Goizper kooperatibak. Batek, mekanizatu eta torneatzeko kontrol numerikoa duen makina berria ezarri dute. Bestetik, biltegi automatikoa ere ezarri dute gune honetan, geroago ateratzeko, erdi bukatuta laga dituzten produktak biltzeko.

IKERKETA LANA

Iñaki Aranburuk azaldutakoaren arabera, Goizperrek egiten dituen produktuen gainean ikertzea da Olakerren zeregina. "Kostuak murrizteko teknologia berriak ikertzen ditugu. Goizperrek lehendik dituen bulego teknikoek lanean segituko dute, baina transmisioetan batez ere, bezeroaren eskaerara egokitu beharra daukagu, eta hori dela eta, aldaketak

■ ■ ■
Goizper, Matz-Erreka, Tajo eta Urola enpresak
dira Olakerreko bazkideak
■ ■ ■



Omendu dituzten Goizperko hamaika sortzaileak.

egin behar izaten dira etengabe. Bulego teknikoak lan asko dauka eta ezin du epe luzerako ikerketetan lan egin. Bestalde, nekazaritza arloan produktu serie handiak egiten dira. Bizkarreko 500.000 ihinztargailuak egiten dira urtero. Hori dela eta, lehiakorrek izateko, produktua hobetzen saiatu behar gara etengabe, baita kostuak murrizten ere. Beharrezkoa zen Olaker bezalako zentro bat eskaera horri aurre egiteko. Izan ere, nekazaritza arloan erabiltzen diren produktuen %80 gutxi gorabehera plastikoz egiten dira, eta orain arte produktu horiek diseinatu baino ez dira egin, oso gutxi gure nekielako plastikoaren transformazioaren gainean". Ikertzen dena irakasteko ikastaroak ere ematen dira Olakerren.

ENPRESEKIN ELKARLANA

Oiartzungo Tajo, Legazpiko Urola, Matz-Errera eta Goizperko langileek dihardute plastikoaren transformaziori buruzko ikastaroetan. "Goizperrek gehiengoan izan arren, beste hiru enpresak Olakerreko bazkideak dira eta, aldi berean Goizperren hornitzaileak. Hasiera batean ez dugu beste enpresa batzuekiko ikerketarik egingo, baina bi urte barru Eusko Jaurlaritzaren teknologia sarean sartzeko eskaera egiteko asmoa dugu.

Olaker epe luzera bigarren graduako kooperatiba izango da, hau da, "bazkideak bertako langileak eta beste kooperatiba batzuk izango dira. Teknologia menperatzen dugunean eta Goizperri erakusten diogunean egindako inbertsioak merezi izan duela, beste enpresa batzuekin egingo dugu lan. Baina helburu nagusia Goizper eta bere hornitzaileen inguruko produktuetan sakontzea da, eta baita arlo horietan kooperatiben barruan prestakuntza zerbitzuak ematea ere".

Helburu horrekin dagoeneko 37 ikastaro eskaini dituzte Olakerren. Guztira 322 ordu. Ikastaro horiek, besteak beste Goizperrek berak, Matz-Errerak, Mondragon Unibertsitateak, Gipuzkoako Merkataritza Bazkondeak, Ibermaticak eta Zaragozako Unibertsitateak eskaini dituzte.

PRODUKTU BERRIAK

Datorren urtean Goizperrek aterako duen bizkarreko ihinztargailu berria Olakerrekin batera garatutako produktua da. "Nahiko produktu berritzailea da, baina garrantzitsuena kostuan lortu dugun merketzea izan da. Diseinu aldaketak eragindako onura bat izan da hori".

SORTZAILEEI OMENALDIA

Hamaika laguni omenaldia egin nahi izan dio Goizper Kooperatibak gaurko inaugurazio ekitaldian. Dagoeneko erretiratuak daude hamaika lagun hauek, baina eurak dira orain dela 40 urte kooperatiba hau sortu zutenak. Euretako baikoitzari oroigarri bana oparitu diete.

Honako hauek dira omenduak: Jose Lizarralde, Julian Iparragirre, Gervasio Legorburu, Jesus Agirre, Pako Legorburu, Koldo Madariaga, Eugenio Larrañaga, Patxi Lete, Jose Mari Biteri, Jose Mari Kortabarria eta Goio Arbulu. ■

■ ■ ■
"Produktuetan sakontzea eta kooperatibetan prestakuntza zerbitzuak ematea da helburua"

■ ■ ■
 IÑAKI ARANBURU
 ■ ■ ■

DATU INTERESGARRIAK

Fakturazioa

4.200 milioi PTA 1998an

Langileak

165 Goizperren

13 Olakerren



MUEBLES IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
 Altzari rustikoetan
 espezializatuak

LARREA

TABERNA

Kalebarren 17
 ANTZUOLA



Zapatuan zabalduko da egoitza berria.

Danok Bat elkartearen inaugurazioa

Danok Bat elkarteak azaroaren 20an, zapatuan, irekiko da. Abuztuan erosi zuten Danok Bat elkarteko Kalegoi 5 zenbakiko eraikina. Udalak bi milioi pasatxo PTA.ko dirulaguntza eman die elkarteko 70 bazkideei, egoitza berria egiteko.

Irekiera ekitaldia arratsaldeko 18:00etan izango da. Bazkideentzako luntxa egingo da. Aurretik, ordeñ, 70 lagun horiek, batzarra izango dute arratsaldeko 17:00etan. Batzar horretan banatuko dira elkarteko giltzak.

Santa Zeziliako kontzertua

Azaroaren 28an, domekan, Santa Zezilia, musikarien eguna, ospatuko du herriko Abesbatzak. Goizeko 11:30etako meza nagusian parte hartuko du. Erruki, Santus eta Aita Guyrea abestuko dituz-

te. Patxi Azkaratek zuzentzen duen abesbatzak kalean ere abesburtuio du. Hogeita hamar basti kide arituko dira kalezkale bazkal ordura arte. Ondoren, bazkaria izango dute.

GAZTAINERRE JANA DOMEKAN HERRIKO PLAZAN

Garaiak agintzen duelako, gaztainak jateko ordua iritsi da. Urtero legez, domekan, azaroaren 21ean, egingo da gaztainerre jana Antzuolan, 18:00etan izango da, beraz, gaztainerreak eta sagardoa herriko plazan.



Okerrak zuzendu eta Antzuolako euskeran emon

1. Jaikittakuan oiñetakuak ipiñi eta oherakuan kendu.
1.
2. Bihar etorri leiket / leikegu / leikezu.
2.

Izen-abizenak eta telefonua:

idolaz bertako hizkeria

Aurreko Kontuolako erantzun zuzenak:
 1. Badaukazu kolarik? / Nahi dozu yogurrik? / Eztaukat txiklerik.
 2. Neuk esan dotsut hori-ta! / Berdin da, baiña!
Sarrituak: Kontxi Laskurain eta Amaia Pildain

Eskuman erantzunak idatzi ostian, moztu eta laga Antzuolako udal liburategian,
DATORREN EGUAKITZA BAINO LEHEN.
 Erantzun zuzenen artian 5.000 pezeta eta "Antzuolako hizkera" liburua ere bat zozketatuko ditugu hamabostero.



IGELTSEROTZA

Jose Luis Zabalo

Birgaitzeak • Fatxadak
 Teiatiak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89



Jose Gomez
 Abad

Errekalde 6, 4-B. Antzuola

943 76 60 19

943 76 60 43

GOROSTI Taberna

☎ 943 76 62 96

Zurrategi plaza ANTZUOLA

Alaitz Jauregi eta Aitziber Goñi

“Domekan egongo da zinia”



Aitziber eta Alaitz arduratuko dira aurtengo zine emanaldiez.

Aitziber Goñi eta Alaitz Jauregi dira zine emanaldien arduradun berriak. Lehen ere ibiliak dira lan honetan. Aurten igandetan soilik egongo da saioa.

B Nolatan animatu zarete ardura hau hartzera? Aurreko arduradunak, Maki eta Xabi, urtetan ibilli izan dia eta geu be pare bat urtetan ibilli gara. Azkenian, aldaketia egittia erabaki giñuan.

Zer atsegin duzue?

Umiekin ibiltzia. Oso dibertiduak die. Aktoriak muxukatzen baldin badie zara-

taka hasten die “goll!” esanaz. Ondo pasatzen dabe eta guk pe bai.

Aurten ez da Gazinematik egongo?

Ez. Oso jente gutxi etortzen zan ostiraletan. Aurten domeketan bakarrik egongo da zinia. Hala be, estraordinarioren bat egittia eztau kentzen horrek. Iaz “Titanic” pelikuliakin egin giñuan hori.

Zenbat ume etortzen da?

Lehenengo astian 50etik gora etorri zien eta jun zan domekan, berriz, 80tik gora. Normalian asko etortzen die. 6-14 urte bittartekuak dia gehixenak. Txikixenak batzutan gurasuekin etortzen die.

Zein da egitaraua?

Aurten marrazki bizidunak eta bes-telako pelikulak nahastuko dittugu. Domekan “Bichos” pelikulia ipiñiko dogu.

Eta euskarazko filmak?

Eztago eskaintzarik. Darenak oso txikixendako dia; bestela azpitutuetuekin; hori umiendako etxaku gustatzen.

Zenbat da sarrera?

Aurten 175 PTA balio dau, iaz baiño bost duro gehixago. ■

IDOLAZEN BATZARRA

Idolaz euskara taldeak bilera berezia antolatu du azaroaren 20rako. Oram arteko jardunaz eta aurrera begira egin beharrezkoaz jardungo dute udal liburutegian. Ordubeteko batzarra izango dela adierazi digute Idolazekoek. Goizeko 11:00etatik 12:00etara. Antzuolaz guztiak gonbidatzen dituzte.

MENDI HAMABOSTALDIA

Arrolak antolatu duen mendiaren hamabostaldiaren barne, hainbat ekitaldi prestatu dute. Horietao bat izango da “Islandia oinez” diapositiba emanaldia. Angel Cuerdok eskainiko du zinetokian, martitzenean, hilaren 23an. Saioa arratsaldeko 19:00etan izango da, baina ez da emankizun bakarra izango. “Ene erraietara” diapositiba emanaldia eskainiko du eta Jose Ramon Agirre, “Marronek” eguenean, hilaren 25ean. Arratsaldeko 19:00etan izango da, hau ere, zinetokian. “Marron” behin baino gehiagoan izan da Antzuolan horrelako saioak eskaintzen eta guztietan harrera bikaina izan du argazkilari honek.

Emanaldiez gain, erakusketa ere antolatu dute. Zapatuan, azaroaren 27an, eta domekan, hilaren 28an, udaletxean jarriko du ikusgai Marronek argazki erakusketa. Orduategia ohikoa izango da: 12:00-14:00 eta 18:00-20:00, bi egunetan.

TXOTXONGILO SAIOA

Teatro de la Luna antzerki taldeak txotxongilo emanaldia eskainiko du azaroaren 27an, zapatuan. “Elmer elefantea” izeneko lana antzeztuko dute, arratsaldeko 18:00etatik aurrera zinetokian. Emanaldia 3 eta 8 urte bitarteko haurrentzat izango da.


MENDI IRTEERA

Arrola Mendizale Elkarteak Jarindora irteera antolatu du hurrengo domekarako, hilak 28. Izen ematean Arrolaren egoitzan izango da astelehenean, azaroaren 22an, 19:30-20:00.

AITZ-GARBI

taberna jatetxea
Pintxoak eta kazuelatxoak.
Bazkariak eta afariak
Kalebarren 15. Tf. 943 78 70 51

LEKU-BERRI MERENDEROA
Janariak eta edariak
 Tf. 943 76 60 94

Ariñ

JATETXEA
Euskal sukaldaritza
Eguneko menua
 Kalebarren 7, ANTZUOLA Tf. 943 78 71 12

Igor eta Txomin C.B.
Margoak orokorrean
ANTZUOLA 609 157 131
BERGARA 609 150 164